



Stručni savjetnik za poslove OV

Broj: 02/1- 45-330-4/23

Dana: 08.03.2023. godine.

-Općinski načelnik

-Služba za opću upravu, društvene djelatnosti, stručne poslove OV i zajedničke poslove

Predmet: Dostavljanje Odluke Općinskog/ Opštinskog vijeća

Poštovani,

U prilogu akta dostavljamo Vam Odluku sa XXI vanredne sjednice Opštinskog vijeća Općine Bosanski Petrovac, broj: 02/1-45-330- 3/23 od 03.03.2023 godine.

S' poštovanjem.

Prilog:

- Odluka broj: 02/1-45-330-3/23 od 03.03.2023 godine

Po ovlaštenju Općinskog načelnika

Alma Mehmedbegović-Kartal dipl.iur

Dostaviti:

- Naslovu
- Vijećnicima Opštinskog vijeća
- Predsjednici MZ
- Presjedavajući OV-a,
- Radio, web i oglasna ploča
- U spis,
- a/a



Na osnovu člana 25. Statuta Općine/Opštine Bosanski Petrovac (Službeni glasnik Općine/Opštine Bosanski Petrovac broj: 7/08) Općinsko/Opštinsko vijeće Općine/Opštine Bosanski Petrovac na svojoj XXI-oj vanrednoj sjednici održanoj dana 03.03.2023. godine donosi:

**Odluku
o uspostavljanju „Građanskog sata sa vijećnicima“**

I
Ovom odlukom uspostavlja se mehanizam komunikacije vijećnika sa građanima, odnosno „Građanski sat“ sa vijećnicima (u daljem tekstu Građanski sat), definiše se pojam, uspostavljanje i način organizovanja Građanskog sata.

II
Građanski sat predstavlja mehanizam kojim građani neposredno komuniciraju sa vijećnicima o pitanjima, inicijativama i problematici u zajednici, a vijećnici sa druge strane informišu građane o aktivnostima i planovima Općinskog/Opštinskog vijeća.

III
Građanski sat se održava svake radne srijede, ukoliko ima prijavljenih građana u principu u periodu od 09:00 do 11:00 sati i od 14:00 do 16:00 sati uz mogućnost da vijećnik i građani dogovore i drugi termin koji im odgovara. Građanski sat se neće održati u slučaju da je u navedenom terminu zakazano održavanje sjednice Općinskog/Opštinskog vijeća.

IV
Kolegij vijeća izrađuje plan učešća vijećnika u Građanskom satu, a koji će predsjedavajući vijeća usklađivati sa zahtjevima i potrebama građana.

Građani svoja pitanja, inicijative i primjedbe dostavljaju Službi za opću upravu, društvene djelatnosti, stručne poslove općinskog vijeća i zajedničke poslove putem mail adrese ovbpetrovac@gmail.com, na broj telefona 037/883-581 ili lično, a najkasnije tri dana prije održavanja Građanskog sata, o čemu Služba obavještava Predsjedavajućeg Vijeća.

Građani u svom zahtjevu pored teme mogu naznačiti i vijećnika sa kojim žele razgovarati.

V
Vijećnik ima obavezu saslušati stranku i o tome sačiniti Zapisnik u kojem se obavezno navodi zaključak sa smjernicama za rješavanje građanskog pitanja, koji se dostavlja sekretaru i Predsjedavajućem vijeća, a po potrebi upućuje Općinskom načelniku na mišljenje. Vijećnici koji su održali sastanke sa građanima, zajedno sa predsjedavajućim Vijeća analiziraju materijale sa održanih sastanaka. Prijedloge građana predsjedavajući Vijeća dostavlja Kolegiju vijeća, radi procjene i eventualnog uvrštavanja u dnevni red Općinskog/Opštinskog vijeća. Građani će imati povratnu informaciju o poduzetim aktivnostima koje su rezultat Građanskog sata.

VI
Ova odluka stupa na snagu osmog dana od dana objavljivanja u „Službenom glasniku Općine/Opštine Bosanski Petrovac“.

Predsjedavajući OV

Nemanja Davidović

Broj: 02/1-45-330-3/23
Datum: 03.03.2023. godine